

اولدیغدن و بویله تبلیغاتک حکمه مدارى قرآن و امارات مرتبه سسند ه  
اوله جغندن بوقاعده مستنسا اوله رق سائر صورتله تعجب یاغرض ايله  
مدعى و مدعا علیهک لهسند ه و علیهند ه محاکم و مجالسه بیوک و کوچک  
مأمورین طرفندن بالذات و یا بالواسطه تکریرا و شفاهاً برکونه امر و التماس  
ورجا وقوعه کلور ایسه بو مقوله مأمورین حقیرنده و بویوله خلاف  
اصول حرکت ایدن محاکم و مجالس حقیرده ترتیب ایدن مجازاتک درجاتی  
بروجه اتی بیان اولنور

طقسان بشنجی ماده بالاده بیان اولدیغی وجهله وقوعبولان مداخله  
برمأمورک موقع مأموریتی نفوذیله امر و تحکم و تجبر صور تنده  
وقوعبولاش ایسه مجالس و محاکم طرفندن مخالفتله دولته بیلدیرلده کده  
اول مأمور طرد جزاسیله تأدیب اولنور

اکر بو مداخله التماس ورجا صورتنده وقوعبولور ایسه محاکم  
و مجالس طرفندن کذلک مخالفتله دولته بیلدیرلده کده بورجا و التماسی  
ایدن کیسه دن اون مجیدییه التوتندن الی التوتنه قدر مجازات نقدیه النور

طقسان التنجی ماده بومقوله دعاوییه وقوعبولان مداخله اوزرینه  
اول دعوا بغيرحق حکم اولمش ایسه بو حکمی امر ايله ایتدرمش اولان  
مأمور مأموریتدن طرد اولدقد نصکره اوچ آیدن بر بحقوق ییله قدر حبس  
یاخود التی آیدن اوچ ییله قدر نفی ايله مجازات اولنور واکر بو حکم التماس  
ورجا اوزرینه وقوعبولاش ایسه اومقوله رجا و التماس ایدن کیسه دن  
النه جحق مجازات نقدیه دن بشقه بر بحقوق آیدن اوچ آیه قدر حبس  
یاخود اوچ آیدن التی آیه قدر نفی اولنور

طقسان یدنجی ماده بر دعوا ده وقوعبولان امر و التماس ورجایی  
محاکم و مجالسدن بری دولته بیان و اخبار الیز ایسه ولو اول امر و التماس  
ورجایی اجرا ایتماش اولسه ییله حاکم یاریش بولشان کیسه مأموریتدن  
طرد ايله مجازات اولنور